

四庫全書

經部

欽定四庫全書

經部

日講春秋解義卷六十三
四

詳校官監察御史_臣莫瞻菴

給事中_臣溫常綬覆勘

覆校官中書_臣田尹衡

校對官中書_臣袁文邵

謄錄監生_臣金三俊

欽定四庫全書

日講春秋解義卷六十三

哀公

十有一年春齊國書帥師伐我

左十一年春齊爲郎故

郎在前年

國書高無平帥師伐我

及清

清杜注齊地濟北盧縣東有清亭盧縣令長清縣也

季孫謂其宰冉求曰

冉求魯人孔子弟子

齊師在清必魯故也若之何求曰一子守

二子從公禦諸竟季孫曰不能

自度力不能使二子

求曰居封

疆之間

封疆竟內
近郊地

季孫告二子二子不可求曰若不

可則君無出一子帥師背城而戰不屬者非魯人也

屬臣屬也言
不戰為不臣

魯之羣室衆于齊之兵車

羣室都
邑居家

一室

敵車優矣子何患焉二子之不欲戰也宜政在季氏

當子之身齊人伐魯而不能戰子之恥也大不列于

諸侯矣季孫使從于朝俟于黨氏之溝

黨氏溝杜注
朝中地名

武叔呼而問戰焉

問冉
求

對曰君子有遠慮小人何知

懿子強問之對曰小人慮材而言量力而共者也

所言

問非已材力所
及故不能言
武叔曰是謂我不成丈夫也
知冉求非已不

欲戰故
退而蒐乘
孟孺子洩帥右師
孺子懿子之顏子武伯禽

羽御邠洩為右
二子孟氏臣
冉求帥左師管周父御樊遲

為右
樊遲名須魯人孔子弟子
季孫曰須也弱有子曰就用命焉

雖年少能用命有子冉求也
季氏之甲七千冉有以武城人三百

為已徒卒
步兵卒精兵
老幼守宮次于雩門之外
雩門南城門
五

日右師從之
五日乃從言不欲戰
公叔務人見保者而泣
務人公為

昭公子保
曰事充政重
事充繇後煩政重賦稅多
上不能謀士不

能死何以治民吾既言之矣敢不勉乎師及齊師戰

于郊齊師自稷曲

稷曲杜注郊地名

師不踰溝樊遲曰非不

能也不信子也請三刻而踰之

與衆三刻約信

如之衆從之

師入齊軍

冉求之師

右師奔齊人從之陳瓘陳莊涉泗

陳二

齊大夫

孟之側後入以為殿

之側孟氏族字反

抽矢策其馬曰

馬不進也林不狃之伍曰走乎

不狃魯士五人為伍

不狃曰誰

不如曰然則止乎不狃曰惡賢徐步而死

言魯非無壯士但季

孫不能使

師獲甲首八十

冉求所得

齊人不能師宵諜曰齊人

道冉有請從之三季孫弗許孟孺子語人曰我不如

顏羽而賢于邴洩

二子與孺子同車

子羽銳敏

子羽顏羽銳敏言欲戰

我不欲戰而能默洩曰驅之

言驅馬欲奔

公為與其嬖僮

汪錡乘皆死皆殯孔子曰能執干戈以衛社稷可無

殤也

時人疑童子當殤

冉有用矛于齊師故能入其軍孔子

曰義也

言能以義勇不書戰不皆陳也不書敗勝負不殊

春秋詳內而畧外故外之侵伐書國而魯書四鄙

此以國言之者胡氏安國謂曲在我特書伐我非

也按傳載老幼守宮次于雩門之外師及齊師戰于郊右師奔齊人從之至于涉泗則兵實加國都矣故直言伐我明與他伐異耳自哀公已前諸侯來伐無兵及近郊者至是政在季氏生事啓釁二家不肯同力前之吳師後之齊師召之而來傳國都而止春秋兩書伐我所以著魯之益哀不能守其四封而至見陵之甚也

夏陳轅頗出奔鄭

轅公羊作袁

左夏陳轅頗出奔鄭初轅頗為司徒賦封田以嫁公

女封內之田有餘以為已大器大器鐘鼎之屬國人逐之故

出道渴其族轅咺進稻醴梁糗臠脯焉醴濁酒也糗乾飯也臠脯

搗脯施薑桂也喜曰何其給也對曰器成而具具此曰何不

吾諫對曰懼先行恐言不從先見逐

五月公會吳伐齊甲戌齊國書帥師及吳戰于艾陵齊

師敗績獲齊國書書戰書獲止此齊魯交兵亦止此艾陵杜注齊地

左傳為郊戰故公會吳子伐齊欲以五月克博壬申至

于嬴

博嬴杜注齊邑二縣皆屬泰山今泰安州東南有博陽故城

中軍從王

吳中軍

胥門巢將上軍王子姑曹將下軍展如將右軍

三將吳大

夫齊國書將中軍高無平將上軍宗樓將下軍陳僖

子謂其弟書爾死我必得志

書子占也欲獲死事之功

宗子陽與

閭丘明相厲也

相勸厲致死子陽宗樓也

桑掩胥御國子書公孫

夏曰二子必死

亦勸勉之

將戰公孫夏命其徒歌虞殯

虞殯

送葬歌曲

陳子行命其徒具含玉

子行陳逆也具含玉亦示必死

公

孫揮命其徒曰人尋約吳髮短

約繩也八尺曰尋吳髮短欲以繩貫其首

東郭書曰三戰必死于此三矣

三戰夷儀五氏與今

使問弦多

以琴

弦多齊人六年奔魯

曰吾不復見子矣

言將戰死

陳書曰此行

也吾聞鼓而已不聞金矣

軍以鼓進以金退不聞金言將死也傳言吳師強齊

人皆自

知將敗甲戌戰于艾陵展如敗高子

齊上軍敗

國子敗胥

門巢

吳上軍亦敗

王卒助之大敗齊師獲國書公孫夏問

丘明陳書東郭書草車八百乘甲首三千以獻于公

公以兵從

將戰吳子呼叔孫曰而事何也

問何職

對曰

從司馬

從吳司馬所命

王賜之甲劍鉞曰奉爾君事敬無廢

命叔孫未能對衛賜進曰

賜子貢孔子弟子

州仇奉甲從君

而拜公使大史固歸國子之元

歸于齊也元首也吳以獻魯

寘之

新篋製之以玄纁加組帶焉

製薦也

寘書于其上曰天

若不識不衷何以使下國

言天識不善故殺國子

公會伐而不與戰也蓋自季孫擅魯陵暴小國披

其田邑皆三桓共之而危辱之地則使公試焉由

來舊矣齊怨已深復假吳師以挑其禍故迫公自

行叔孫以世行從而季孟不出蓋敗則公受其殃

勝亦公主其怨也魯師不出公徒寡約不足以戰而從吳司馬如陳蔡之君附於楚乘故特書公會吳伐齊於前復大書齊國書及吳戰於後以發疑端見情實而著季孫之惡也先儒謂屬辭之法當然非也使魯師成列公實與戰則書公會吳伐齊甲戌及齊國書戰于艾陵可矣即欲著國書志為此戰書齊國書帥師及我師吳師戰于艾陵可矣何故迂其義而為公不與戰之辭哉書獲國書又

書師敗績見師將皆隕與大棘之戰同傳曰大夫生死皆曰獲故國書華元無異辭

附錄

左傳吳將伐齊越子率其衆以朝焉王及列士皆有

饋賂吳人皆喜唯子胥懼曰是豢吳也

夫豢養也若人養犧牲

非愛之將殺之

諫曰越在我心腹之疾也壤地同而有欲于

我欲得

夫其柔服求濟其欲也不如早從事焉

從事擊之

得志于齊猶獲石田也無所用之

石田不可耕

越不為沼

吳其泯矣使醫除疾而曰必遺類焉者未之有也盤

庚之誥曰其有顛越不共則劓殄無遺育無俾易種

于茲邑

盤庚商書顛越不共從橫不承命者也劓割也殄絕也育長也易種轉生種類

是商

所以興也今君易之將以求大不亦難乎弗聽使于

齊屬其子于鮑氏為王孫氏

私使人至齊屬其子改姓為王孫欲以辟吳禍

反役王聞之使賜之屬鏤以死

役艾陵役也屬鏤劍名

將死曰

樹吾墓櫨櫨可材也吳其亡乎三年其始弱矣盈必

毀天之道也

為十三年越入吳起

秋七月辛酉滕子廋母卒

附錄左傳

秋季孫命修守備曰小勝大禍也齊至無日矣

冬十有一月葬滕隱公

衛世叔齊出奔宋

左傳冬衛太叔疾出奔宋

疾即齊也

初疾娶于宋子朝

子朝宋人

仕衛為大夫

其娣嬖

娣所娶女之娣

子朝出

出奔

孔文子使疾出其

妻而妻之疾使侍人誘其初妻之娣寘于犁

犁杜注衛邑

而為之一宮如二妻文子怒欲攻之仲尼止之遂奪

其妻或淫于外州

外州杜注衛邑

外州人奪之軒以獻

軒車也

獻于恥是二者故出衛人立遺疾使室孔姑文子女疾妻

疾臣向魋納美珠焉與之城鉏

城鉏杜注宋邑今直隸滑縣東有鉏城

宋公求珠魋不與由是得罪及桓氏出在十年城鉏人

攻太叔疾衛莊公復之使處巢死焉殯于鄆葬于少

禘

終言疾之失所巢鄆少禘杜注皆衛地今巢亭在河南睢州

初晉悼公子慙亡

在衛使其女僕而田

僕御獵

大叔懿子止而飲之酒懿子

太叔儀之孫

遂聘之生悼子

悼子太叔疾

悼子即位故夏戊為

大夫

夏戊悼子甥

悼子亡衛人翦夏戊

翦削其爵邑

孔文子之將

攻大叔也訪于仲尼仲尼曰胡簋之事則嘗學之矣

胡簋禮器名夏

曰胡周曰簋甲兵之事未之聞也退命駕而行曰

鳥則擇木木豈能擇鳥

以鳥自喻

文子遽止之曰圉豈敢

度其私訪衛國之難也

圉文子名度謀也

將止止

仲尼

魯人以

幣召之乃歸

于是自衛反魯樂正雅頌各得其所

經書内外大夫奔者六十於定哀之世尤多蓋政

在大夫各欲自專始則相猜相忌終乃相攻相逐

也

附錄

左傳季孫欲以田賦

丘賦之法因其田財通出馬一匹牛三頭今欲別其田及家財

各為一賦故言田賦

使冉有訪諸仲尼仲尼曰丘不識也三發

三發

卒曰子為國老待子而行若之何子之不言也

仲尼不對

對不公

而私于冉有曰君子之行也度于禮

施取其厚事舉其中斂從其薄如是則以丘亦足矣

丘十六井出戎馬一匹牛三頭是賦之常法

若不度于禮而貪冒無厭則

雖以田賦將又不足且子季孫若欲行而法則周公

之典在若欲苟而行又何訪焉弗聽

為明年用田賦傳

十有二年春用田賦

左傳十二年春王正月用田賦終前年事

公羊傳何以書譏何譏爾譏始用田賦也田謂一井之田賦者斂取其財物也

禮稅民公田不過什一軍賦十井不過一乘哀公外慕強吳空盡國儲故復用田賦過什一

穀梁傳古者公田什一用田賦非正也古者五口之家受田百畝為官

田十畝是為私得其什而官稅其一故曰什一今乃棄中平之法而田財並賦言其賦民甚矣

用者不宜用也田賦之說杜預范甯皆云丘賦之法因其田財通出馬一匹牛三頭今別其田及家

財各出此賦則是比先王之制加倍不翅矣况家財有無難均說未可信要之賦之本義專為出軍計丘而出兵車賦之常法今計田而出故曰田賦蓋春秋諸侯會盟禮繁兵戎事廣不能復守先王之籍故魯用不足則初稅畝益兵則作丘甲至哀公遠事彊吳事充政重二猶不足復用田賦蓋託以軍用加斂於田計田而出貨財也其數之多寡則不可考大約稅畝多乎什一田賦又多乎稅畝

矣稅畝私田始有征也田賦私田又加征也

夏五月甲辰孟子卒

左傳夏五月昭夫人孟子卒昭公娶于吳故不書姓

諱娶

同姓故謂之死不赴故不稱夫人不稱夫人故不言薨不反哭

故不言葬小君反哭者夫人禮也以同孔子與弔適

季氏季氏不絕放經而拜孔子始老故與弔絕喪冠也孔子以小君禮往弔季

氏不服喪故去經從主人節制

公羊傳孟子者何昭公之夫人也其稱孟子何諱取同

姓蓋吳女也

穀梁傳

孟子者何也昭公夫人也其不言夫人何也諱

取同姓也

孟子吳女昭公之夫人其生也昭公既謂之孟子

故史亦因之不改不書夫人書卒著季氏遂其君

又黜其夫人也觀左氏記孔子與弔而季孫不絕

敬經而拜則知當時不以小君待之矣不書葬不

成喪也

公會吳于橐皋

橐皋杜注在淮南逡道縣東南今江南巢縣西北有柘皋鎮即古吳邑也

左傳

公會吳于橐皋吳子使大宰嚭請尋盟

尋鄆盟

公不

欲使子貢對曰盟所以周信也

周固也

故心以制之

其制

義

王帛以奉之言以結之明神以要之寡君以為苟

有盟焉弗可改也已若猶可改日盟何益今吾子曰
必尋盟若可尋也亦可寒也乃不尋盟

秋公會衛侯宋皇瑗于鄆

鄆公羊作運杜注鄆發陽也廣陵海陵縣東南有發繇亭

今江南如皋縣東立發壩古發陽也亦名古鄆

傳左吳徵會于衛初衛人殺吳行人且姚而懼謀于行

人子羽衛大夫子羽曰吳方無道無乃辱吾君不如止

也子木曰衛大夫吳方無道國無道必棄疾于人吳雖

無道猶足以患衛往也長木之斃無不標也標擊國狗

之瘕無不噬也瘕狂也噬齧也而况大國乎秋衛侯會吳于

鄆公及衛侯宋皇瑗盟而卒辭吳盟吳人藩衛侯之

舍藩籬也圖其館舍子服景伯謂子貢曰夫諸侯之會事既

畢矣侯伯致禮地主歸餼侯伯致禮以禮賓也地主所會主人也餼生物也以

相辭也

各以禮相辭讓

今吳不行禮于衛而藩其君舍以難

之難

困苦也

子盍見大宰乃請束錦以行

以賂吳

語及衛故

若本不為衛請者

大宰嚭曰寡君願事衛君衛君之來也緩

寡君懼故將止之子貢曰衛君之來必謀于其衆其

衆或欲或否是以緩來其欲來者子之黨也其不欲

來者子之讎也若執衛君是墮黨而崇讎也

墮毀也

夫

墮子者得其志矣且合諸侯而執衛君誰敢不懼墮

黨崇讎而懼諸侯或者難以霸乎大宰嚭說乃舍衛

侯衛侯歸效夷言子之尚幼

子之公孫彌年

曰君必不免其

死于夷乎執焉而又說其言從之固矣

後出公輒卒死于越

宋向巢帥師伐鄭

左傳

宋鄭之間有隙地焉曰彌作頃丘王暢岳戈錫

凡六

邑今杞縣東北有王帳或云古王暢也

子產與宋人為成曰勿有是

俱棄

之

及宋平元之族自蕭奔鄭

在定十五年

鄭人為之城岳

戈錫

以處平元之族

九月宋向巢伐鄭取錫殺元公之孫遂

圍岳十二月鄭罕達救岳丙申圍宋師

此事經在十二月螽上而

傳本在下更具列其月以為別者
丘明本不以為義例故不皆齊同

冬十有二月螽

螽公羊作螽

左傳冬十二月螽季孫問諸仲尼仲尼曰丘聞之火伏

而後蟄者畢

火伏在今十月

今火猶西流司歷過也

猶西流言未盡

沒知是九月
歷官失一閏

公羊傳

何以書記異也何異爾不時也

螽者與陰殺俱
歲周十二月夏

之十月不當
見故為異

杜氏預以為失閏雖書十二月實今九月氣尚溫

故螽然明年九月螽又十二月螽蟲災亟作而不
時沴氣所感非關閏也

十有三年春鄭罕達帥師取宋師于岳

左傳十三年春宋向魋救其師

救前年圍岳師

鄭子賈使徇曰

子賈

得桓魋者有賞魋也逃歸遂取宋師于岳獲成

謹郤延

二子宋大夫

以六邑為虛

空虛之各不有

公羊傳

其言取之何易也其易奈何詐反也

反報也前宋行詐取

鄭師今鄭復行詐取之苟相報
償不以君子之道故曰詐反

穀梁傳取易辭也以師而易取宋病矣

書取師罪其以多殺為功不仁之甚也宋鄭自老
丘之後彼此結怨悉其詐力必欲盡敵而後已此
春秋將變而為戰國之勢也

夏許男成卒

成公羊作戊

公會晉侯及吳子于黃池

書會止此黃池杜注陳畱封丘縣南有黃亭近濟水在今

河南封丘

縣西南

左傳夏公會單平公晉定公吳夫差于黃池

單平公周卿士

公羊傳

吳何以稱子吳主會也吳主會則曷為先言晉

侯不與夷狄之主中國也其言及吳子何會兩伯之辭也不與夷狄之主中國則曷為以會兩伯之辭言之重吳也曷為重吳吳在是則天下諸侯莫敢不至也

穀梁傳

黃池之會吳子進乎哉遂子矣吳夷狄之國也

祝髮文身

祝斷也文身刻畫其身以為文也

欲因魯之禮因晉之權

而請冠端而襲

端玄端服襲猶著也

其藉于成周

藉謂貢獻

以尊天

王吳進矣吳東方之大國也累累致小國以會諸侯以合乎中國吳能為之則不臣乎

言其臣也

吳進矣王尊

稱也子卑稱也辭尊稱而居卑稱以會乎諸侯以尊天王吳王夫差曰好冠來孔子曰大矣哉夫差未能

言冠而欲冠也

不知冠有差等惟欲好冠

黃池之會左氏曰先晉國語曰先吳後之說經者互有所主夫宋之盟晉國方彊而卒先楚人則謂晉定之不能先吳似也吳方在會而遽以越亂

告則謂吳內惕而不敢復爭亦似也惟趙氏匡以
為吳晉敵禮而會如賓主然故晉史即云晉為先
而吳語即云吳先敵各自護其主春秋據其實
以兩霸之辭言之故曰及此於情事為合吳稱子
為與晉侯同為會主故不稱人穀梁以為進之非
也黃池地近魯前此魯數與吳會故是會公獨往
不更序諸侯諸侯實未至非大會而末言之也

楚公子申帥師伐陳

乘吳出會而伐陳畏彊陵弱之實見矣

於越入吳

左傳

六月丙子越子伐吳為二隧

隧道也

疇無餘謳陽自

南方先及郊

二子越大夫

吳大子友王子地王孫彌庸壽

於姚自泓上觀之

觀越師泓杜注水名

彌庸見姑蔑之旗曰吾

父之旗也不可以見讎而弗殺也

姑蔑杜注越地東陽大末縣今浙江

龍游縣有姑蔑城彌庸父為越所獲故姑蔑人得其旗

大子曰戰而不克將亡

國請待之彌庸不可屬徒五千

屬會也

王子地助之乙

酉戰彌庸獲疇無餘地獲謳陽越子至王子地守丙

戌復戰大敗吳師獲大子友王孫彌庸壽於姚丁亥

入吳吳人告敗于王王惡其聞也自剄七人于幕下

以滅口秋七月辛丑盟吳晉爭先吳人曰于周室我為

長

吳為大伯後故為長

晉人曰于姬姓我為伯

為侯伯

趙鞅呼司

馬寅曰日盱矣大事未成二臣之罪也

寅晉大夫盱晚也大事盟

也二臣

鞅與寅建鼓整列二臣死之長幼必可知也對曰請

姑視之反曰肉食者無墨

墨氣色下

今吳王有墨國勝乎

國為敵所勝

大子死乎且夷德輕不忍久請少待之乃先

晉人吳人將以公見晉侯子服景伯對使者曰王合

諸侯則伯帥侯牧以見于王

伯王官伯侯牧方伯

伯合諸侯則

侯帥子男以見于伯

伯諸侯長

自王以下朝聘玉帛不同

故敝邑之職貢于吳有豐于晉無不及焉以為伯也

今諸侯會而君將以寡君見晉君則晉成為伯矣敝

邑將改職貢魯賦于吳八百乘若為子男則將半邾

以屬于吳

半邾三百乘

而如邾以事晉

如邾六百乘

且執事以

伯召諸侯而以侯終之何利之有焉吳人乃止既而

悔之

謂景伯欺之

將囚景伯景伯曰何也立後于魯矣何

伯將以二乘與六人從遲速唯命遂囚以還及戶牖

戶牖杜注陳畱外黃縣西北東昏城是今故城在河南蘭陽縣東北謂大宰曰魯將以

十月上辛有事于上帝先王季辛而畢何世有職焉

自襄以來未之改也

魯襄公

若不會祝宗將曰吳實然

吳人信鬼故以是恐之

且謂魯不共而執其賤者七人何損焉

大宰詬言于王曰無損于魯而祇為名

適為惡名

不如歸

之乃歸景伯吳申叔儀乞糧于公孫有山氏

申叔儀吳大夫

公孫有山魯大夫舊相識

曰佩玉縈兮余無所繫之

縈然服飾備也己獨無以

繫佩言吳

王不恤下旨酒一盛兮余與褐之父睨之

一盛一器也睨視也

褐寒賤之人言

但得視不得飲對曰梁則無矣麤則有之若登首山

以呼曰庚癸乎則諾

梁精米麤粗糲也首山地闕庚西方主穀癸北方主水軍中不

得出糧故為私隱傳言吳

子不與士共飢渴所以亡王欲伐宋殺其丈夫而囚

其婦人

以宋不會黃池故言吳子恃惑

大宰嚭曰可勝也而勿能居

也乃歸

吳方爭中國之諸侯越遂乘其無備而入之春秋
繼書於黃池之後所謂因事屬辭見吳子之勤遠
畧而忘近憂也

秋公至自會

晉魏曼多帥師侵衛

公羊無曼字霸國侵伐止此晉事亦止此

公羊傳

此晉魏曼多也曷為謂之晉魏多

據上七年譏言曼多

二名二名非禮也

此霸國侵伐之終事也晉主夏盟威動天下今其

哀也趙鞅魏曼多數加兵於衛而卒不能服豈力
不足哉彊家多門各自封殖不在諸侯志於怙權
營私而已

葬許元公

九月螽

冬十有一月有星孛于東方

公羊傳

孛者何彗星也其言于東方何見于旦也

旦者東方

出時宿不復見故言東方知為旦

何以書記異也

周十一月夏九月日在房心房心天

子明堂布政之庭于此且見
與日爭明者諸侯放恣之象

不言宿者平旦衆星皆沒而孛乃見故不言所在
之次

盜殺陳夏區夫

區公羊
作彊

春秋之季世變日異至於盜興而專殺國君大夫
則亂極矣區夫徵舒之後徵舒戮於楚而陳人猶
使世執國政經因其為盜所殺而書之與書宋華

孫同

十有二月螽

二年之內三書螽見田賦為害民力窮而天變作

也

附錄冬吳及越平終伍員

左傳

冬吳及越平

終伍員之言

十有四年春西狩獲麟

左傳十四年春西狩于大野叔孫氏之車子鉏商獲麟

大野杜注高平鉅野縣東北大澤是也今山東嘉祥縣西有獲麟堆車子微者鉏商名麟腐身牛尾狼額

馬蹄有五米腹下黃高丈二以為不祥以賜虞人時所未嘗見故

怪之虞人掌山

澤之官

仲尼觀之曰麟也然後取之

言魯史所以得書獲麟

公羊傳

何以書記異也何異爾非中國之獸也然則孰

狩之薪采者也薪采者則微者也曷為以狩言之大

之也曷為大之為獲麟大之也曷為為獲麟大之麟

者仁獸也有王者則至無王者則不至有以告者曰

有麇而角者孔子曰孰為來哉孰為來哉反袂拭面

涕沾袍顏淵死子曰噫天喪予子路死子曰噫天祝

予也

西狩獲麟孔子曰吾道窮矣春秋何以始乎

隱祖之所逮聞也

託記高祖以來事
可及問聞知者

所見異辭所聞

異辭所傳聞異辭何以終乎哀十四年曰備矣君子

曷為為春秋撥亂世反諸正莫近諸春秋則未知其為

是與其諸君子樂道堯舜之道與末不亦樂乎堯舜

之知君子也制春秋之義以俟後聖以君子之為亦

有樂乎此也

君子謂孔子樂者樂
其貫通百王而無間

穀梁傳

引取之也狩地不地不狩也非狩而曰狩大獲

麟故大其適也其不言來不外麟于中國也其不言

有不使麟不恒于中國也

冬獵曰狩大野在魯西故言西狩常事不書書之
為獲麟記異也春秋絕筆於此杜氏預謂感麟而
作因以為終諸儒多從之學公穀者則謂文成致
麟而胡氏因之此皆世儒欲推尊孔子而未得其
實也謂文成致麟則麟出而死安得為瑞謂感麟
而作則無麟將不作乎且周衰亂臣賊子接跡於
世孔子道既不行作春秋以明王法視諸經尤重

且急而直待前卒之二年始從事於此理不宜然
或又謂義在春秋不在起止孔子得魯史記自隱
公至獲麟遂刪修之然國史編年之體按年紀事
至年終乃止則哀十四年之事魯史自當備錄何
為忽至於十四年春而遂止乎蓋麟仁獸聖世之嘉
瑞時無盛王出而遇獲聖心能無感乎故傷之而
遂絕筆焉與鳳至圖出之嘆同善乎朱子之言曰
獲麟之說不敢定謂書成致麟亦不敢定謂感麟

而作大槩非時而出見戕於人自是不祥此可以
息衆說之穿鑿矣

日講春秋解義卷六十三

欽定四庫全書

日講春秋解義卷六十四

哀公

附錄魯史

自此以下至十六年皆魯史記之文
弟子欲存孔子卒故并錄以續春秋

小邾射以句繹來奔

句繹杜
注地名

左小邾射以句繹來奔

射小邾大夫春秋止于獲麟
故射不在三叛人之數孔子

弟子既續書魯策以繫于經丘明
亦隨而傳之終于哀公以卒前事

曰使季路要我吾

無盟矣

子路信誠人素
服之故不須盟

使子路子路辭季康子使再有

謂之曰千乘之國不信其盟而信子之言子何辱焉

對曰魯有事于小邾不敢問故死其城下可也彼不

臣而濟其言

濟成也

是義之也由弗能

夏四月齊陳恒執其君寘于舒州

舒州今山東滕縣東南薛城是

左傳齊簡公之在魯也闕止有寵焉

簡公悼公陽生子士闕止子我事在

六年及即位使為政陳成子憚之驟顧諸朝

成子陳常心不安故

數顧之

諸御執言于公曰

執齊大夫

陳闕不可竝也君其擇

焉

擇用一人

弗聽子我夕

夕視

陳逆殺人逢之

陳逆子行陳氏宗也

子我遂執以入陳氏方睦

宗族和

使疾而遺之潘沐備

酒肉焉

使詐病因內潘沐并得內酒肉潘米汁可以沐頭

饗守囚者醉而殺

之而逃子我盟諸陳于陳宗

失陳逆懼其反為患故盟之

初陳豹

欲為子我臣

豹亦陳氏族

使公孫言已

言已介達之

已有喪而

止既而言之曰有陳豹者長而上僂

肩背僂

望視目望陽

事君子必得志欲為子臣吾憚其為人

詐恐多

故緩

以告子我曰何害是其在我也使為臣他日與之言

政說遂有寵謂之曰我盡逐陳氏而立女若何對曰

我遠于陳氏矣

言已疏遠

且其違者不過數人違不從也何盡

遂焉遂告陳氏子行曰

子行陳逆

彼得君弗先必禍子子

行舍于公宮

子行逃而隱于陳氏今又隱于公宮

夏五月壬申成子兄

弟四乘如公

成子之兄弟昭子莊簡子齒宣子夷穆子安康丘子意茲苦子盈惠子得凡八

人二人共一乘

子我在幄幄帳也聽政之處

出逆之遂入閉門成子入反

閉門不納子我

侍人禦之

子我侍人

子行殺侍人

素在內故得殺之

公與

婦人飲酒于檀臺成子遷諸寢

徙公使居正寢

公執戈將擊

之

疑其欲作亂

大史子餘曰非不利也將除害也成子出

舍于庫

以公怒故

聞公猶怒將出曰何所無君子行抽劍

曰需事之賊也誰非陳宗所不殺子者有如陳宗

言子

若欲出我必殺子

乃止子我歸屬徒攻闥與大門

闥宮中小門大門宮

門也皆不勝乃出陳氏追之失道于弇中適豐丘

弇中狹路

豐丘杜注陳氏邑

豐丘人執之以告殺諸郭闕

齊闕名

成子將

殺大陸子方

子方子我臣

陳逆請而免之以公命取車于

道

子方取道中行人車

及彫衆知而東之

知其矯命奪車遂使東

出雍門

齊城門也

陳豹與之車弗受曰逆為余請豹與余車余有

私焉事子我而有私于其讎何以見魯衛之士

陳氏傳言

務施

東郭賈奔衛

賈即子方

庚辰陳恒執公于舒州公曰吾

早從鞅之言不及此

悔不誅陳氏

庚戌叔還卒

五月庚申朔日有食之

陳宗豎出奔楚

宋向魘入于曹以叛

曹杜注八年宋滅曹以為邑

左傳宋桓魘之寵害于公

恃寵驕盈

公使夫人驟請享焉而

將討之

夫人景公母欲因享討之

未及魋先謀公請以鞶易薄

鞶杜

注向魋邑薄杜注公邑欲因易邑為公享宴而作亂

公曰不可薄宗邑也

宗廟所在

乃益鞶七邑而請享公焉

僞喜于受賜

以日中為期家備

盡往

甲兵之備

公知之告皇野曰余長魋也

少長育之皇野司馬子仲

今將禍余請即救司馬子仲曰有臣不順神之所惡

也而况人乎敢不承命不得左師不可

左師向魋兄向巢也

請

以君命召之左師每食擊鐘聞鐘聲公曰夫子將食

既食又奏

奏樂

公曰可矣以乘車往曰迹人來告曰

迹主

禽獸

逢澤有介麋焉

逢澤杜注地理志云在滎陽開封縣東北遠疑非蓋宋都睢陽

去開封四百餘里或宋都之旁別有逢澤不可考

公曰雖魍未來得左師吾

與之田若何

皇野稱公命

君憚告子

難以遊戲煩大臣

野曰嘗私

焉君欲速故以乘車逆子與之乘至公告之故拜不

能起司馬曰

即皇野

君與之言

使公與要誓

公曰所難子者

上有天下有先君

言不使禍難及子

對曰魍之不共宋之禍

也敢不唯命是聽司馬請瑞焉

瑞符節以發兵

以命其徒攻

桓氏

桓氏向魍

其父兄故臣曰不可

司馬故臣與桓魋無怨者

其新臣

曰從吾君之命遂攻之子頑騁而告桓司馬

子頑桓魋弟桓

司馬即魋也

司馬欲入

入攻君

子車止之

車亦魋弟

曰不能事君

而又伐國民不與也祇取死焉向魋遂入于曹以叛

莒子狂卒

六月宋向魋自曹出奔衛宋向巢來奔

左傳六月使左師巢伐之欲質大夫以入焉

巢不能克魋恐公怒

欲得國內大夫為質還入國

不能亦入于曹取質

不能得大夫故入曹劫曹人子

弟而質之

魋曰不可既不能事君又得罪于民將若

之何乃舍之

舍曹子弟

民遂叛之向魋奔衛向巢來奔宋公

使止之曰寡人與子有言矣不可以絕向氏之祀辭

曰臣之罪大盡滅桓氏可也若以先臣之故而使有

後君之惠也若臣則不可以入矣司馬牛致其邑與

珪焉而適齊

牛桓魋弟也珪守邑符信

向魋出于衛地公文氏攻

之

公文氏衛大夫

求夏后氏之璜焉與之他玉而奔齊陳成

子使為次卿司馬牛又致其邑焉而適吳

不欲與吳魋同國

人惡之而反趙簡子召之陳成子亦召之卒于魯郭

門之外阮氏葬諸丘與

阮氏魯人也丘與杜注泰山南城縣西北有與城今山東

費縣西與城是錄其卒葬所在愍賢者失所

齊人弑其君壬于舒州

左傳

甲午齊陳恒弑其君壬于舒州

壬蘭公也

孔丘三日齊

而請伐齊三公曰魯為齊弱久矣子之伐之將若之何對曰陳恒弑其君民之不與者半以魯之衆加齊之半可克也公曰子告季孫孔子辭

辭不告

退而告人

曰吾以從大夫之後也故不敢不言

嘗為大夫而去故言後

秋晉趙鞅帥師伐衛

八月辛丑仲孫何忌卒

左傳初孟孺子洩將圉馬于成

洩孟懿子之子孟武伯也圉畜養也成杜注孟

氏成宰公孫宿不受曰孟孫為成之病不圉馬焉

謂病

民貧困孺子怒襲成從者不得入乃反成有司使孺子

鞭之

恨恚故鞭成有司之使人

秋八月辛丑孟懿子卒成人奔喪

弗內袒免哭于衢聽共

請聽命共使

弗許懼不歸

不敢歸成為明

年成叛傳

冬陳宗豎自楚復入于陳陳人殺之

陳轅買出奔楚

有星孛

饑

十有五年春王正月成叛

左十五年春成叛于齊武伯伐成不克遂城輸以偁成

夏五月齊高無不奔北燕

左夏楚子西子期伐吳及桐汭桐汭杜注宣城廣德縣西南有桐水出白

石山西北
入丹陽湖

陳侯使公孫貞子弔焉

弔為楚所伐

及良而卒

良杜注
吳地

將以尸入

聘禮若賓死未將命則既斂于棺造于朝介將命

吳子使

大宰嚭勞且辭曰以水潦之不時無乃廩然隕大夫

之尸

廩然傾動貌

以重寡君之憂寡君敢辭上介芋尹蓋

對曰

蓋陳大夫貞子上介

寡君聞楚為不道薦伐吳國滅厥民

人寡君使蓋備使弔君之下吏

備猶副也

無祿使人逢天

之憾大命隕隊絕世于良廩日共積

廩行道之日以共具殯斂所積

聚之用

一日遷次

一日即遷次不敢留君命

今君命逆使人曰無以

尸造于門是我寡君之命委于草莽也且臣聞之曰

事死如事生禮也于是乎有朝聘而終以尸將事之

禮

朝聘道死以尸行事

又有朝聘而遭喪之禮

遭所聘之喪

若不以

尸將命是遭喪而還也無乃不可乎以禮防民猶或

踰之今大夫曰死而棄之是棄禮也其何以為諸侯

主先民有言曰無穢虐士

虐士死者

備使奉尸將命苟我

寡君之命達于君所雖隕于深淵則天命也非君與

涉人之過也吳人內之

傳言芋尹蓋知禮

鄭伯伐宋

秋八月大雩

左傳秋齊陳瓘如楚

瓘陳恒之兄子玉也

過衛仲由見之曰天或

者以陳氏為斧斤既斲喪公室而他人有之不可知

也其使終饗之亦不可知也若善魯以待時不亦可

乎何必惡焉

仲由事孔子故為魯言

子玉曰然吾受命矣子使

告我弟

弟成子也

晉趙鞅帥師伐衛

冬晉侯伐鄭

及齊平

左傳冬及齊平子服景伯如齊子贛為介見公孫成

公孫

成宰公孫宿也

曰人皆臣人而有背人之心況齊人雖為

子役其有不貳乎

言子叛魯齊人亦將叛子

子周公之孫也多饗

大利猶思不義利不可得而喪宗國將焉用之

喪宗國謂

以邑入齊使魯有危亡之禍

成曰善哉吾不早聞命

傳言仲尼之徒皆忠于魯

國

陳成子館客曰寡君使恒告曰寡人願事君如事

衛君

言衛與齊同好而魯未肯

景伯揖子贛而進之對曰寡君之

願也昔晉人伐衛

在定八年

齊爲衛故伐晉冠氏喪車五

百

在定九年冠氏杜注陽平館陶縣

因與衛地自濟以西襍媚杏以

南書社五百

二十五家爲一社籍書而致之

吳人加敝邑以亂

在八年

齊因其病取謹與闡

亦在八年

寡君是以寒心若得視衛

君之事君也則固所願也成子病之乃歸成公孫宿

以其兵甲入于嬴

嬴杜注齊邑

衛公孟彊出奔齊

傳衛孔圉取大子蒯聵之姊生悝

孔圉孔文子也蒯聵姊孔伯姬孔

氏之豎渾良夫長而美孔文子卒通于內

通伯姬

大子

在戚孔姬使之焉

使良夫詣大子所

大子與之言曰苟使我

入獲國服冕乘軒三死無與

見大夫服軒大夫與之車三死死罪三

與之

盟為請于伯姬

良夫為大子請

閏月良夫與大子入舍于孔

氏之外圃

圃

昏二人蒙衣而乘

二人大子與良夫蒙衣為婦人服也

寺

人羅御如孔氏孔氏之老嬖寧問之稱姻妾以告

自稱

婚姻

遂入適伯姬氏既食孔伯姬杖戈而先大子與

五人介與緇從之

與緇豚欲以盟

迫孔悝于厠強盟之

孔氏專政

故劫令

遂劫以登臺樂寧將飲酒炙未熟聞亂使告

季子

季子子路也為孔氏邑宰

召獲駕乘車

召獲衛大夫駕乘車者不欲戰

行爵

食炙奉衛侯輒來奔季子將入遇子羔將出

子羔衛大夫高

柴孔子弟子將出奔

曰門已閉矣季子曰吾姑至焉子羔曰弗

及不踐其難

謂政不及己

季子曰食焉不辟其難子羔遂

出子路入及門公孫敢門焉

守門曰無入為也已出

子曰是公孫也求利焉而逃其難由不然利其祿必

救其患有使者出乃入

因門開而入

曰大子焉用孔惺雖

殺之必或繼之

言已必繼孔惺為難攻大子

且曰大子無勇若燔

臺半必舍孔叔大子聞之懼下石乞孟厲敵子路二

黨

以戈擊之斷纓子路曰君子死冠不免

不使冠在地

結纓而死孔子聞衛亂曰柴也其來由也死矣孔惺

立莊公

莊公蒯聵也魯史書于明年春從告

莊公害故政欲盡去之

故政

輒之

先謂司徒瞞成曰寡人離病于外久矣子請亦

嘗之歸告褚師比欲與之伐公不果

比褚師聲子為明年瞞成奔起

十有六年春王正月己卯衛世子蒯聵自戚入于衛
衛侯輒來奔

二月衛子還成出奔宋

左十六年春瞞成褚師比出奔宋

瞞成即子還成以伐莊公不果故奔

衛侯使馮武子告于周曰

武子衛大夫肸也

蒯聵得罪于君

父君母通竄于晉晉以王室之故不棄兄弟寘諸河

上

河上也

天誘其衷獲嗣守封焉使下臣肸敢告執事

王使單平公對曰肸以嘉命來告余一人往謂叔父

余嘉乃成世復爾祿次敬之哉方天之休言天方授

弗敬弗休悔其可追傳終蒯賁之事

夏四月己丑孔丘卒

仲尼既告老去位猶書卒者魯之君臣宗其聖德殊而異之魯

襄二十二年生至今七十三也四月十八日乙丑無己丑己丑五月十二日日月必有誤孔子作春秋終于獲麟公羊穀梁經是也弟子欲記聖師之卒故採魯史記以續夫子之經而終于此丘明因隨而作傳終于哀公自此以下無復經矣

左夏四月己丑孔丘卒公誅之曰旻天不弔不憇遺

一老俾屏余一人以在位

仁覆閔下故稱旻天弔恤也憇且也屏蔽也 旻

斃余在疚嗚呼哀哉尼父無自律

疚病也律法也言喪尼父無以自為

法

子贛曰君其不沒于魯乎夫子之言曰禮失則昏

名失則愆失志為昏失所為愆生不能用死而誅之

非禮也稱一人非名也

天子稱一人非諸侯之名

君兩失之

六月衛侯飲孔悝酒于平陽

平陽杜注東郡燕縣東北有平陽亭今直隸滑

縣韋城南有平陽城是也

重酬之大夫皆有納焉

納財賄也

醉而送之

夜半而遣之載伯姬于平陽而行

載其母俱去

及西門

平陽

門使貳車反柩于西園

使副車還取廟主西園孔子氏廟所在柩藏主石函

子

伯季子初為孔氏臣新登于公

升為大夫

請追之遇載柁

者殺而乘其車許公為反柁

孔懼怪載柁者久不來使公為反逆之

遇

之曰與不仁人爭明無不勝必使先射射三發皆遠

許為許為射之殪

傳言子伯不仁所以死

或以其車從

從公

得

柁于橐中孔懼出奔宋

楚大子建之遇讒也自城父奔宋

在昭十九年

又辟華氏

之亂于鄭

在昭二十年

鄭人甚善之又適晉與晉人謀襲

鄭乃求復焉鄭人復之如初晉人使謀于子木請行

而期焉

請行襲鄭之期
子木即建也

子木暴虐于其私邑邑人訴

之鄭人省之得晉謀焉遂殺子木其子曰勝在吳子

西欲召之葉公曰

葉公子高
沈諸梁也

吾聞勝也詐而亂無乃

害乎子西曰吾聞勝也信而勇不為不利舍諸邊竟

使衛藩焉葉公曰周仁之謂信

周親也

率義之謂勇吾

聞勝也好復言而求死士殆有私乎

私謀復讎

復言非信

也期死非勇也

期必也

子必悔之弗從召之使處吳竟

為白公

白杜注楚邑汝陰褒
信縣西南有白亭

請伐鄭子西曰楚未節

也言國新復政不然吾不忘也他日又請許之未起

師晉人伐鄭楚救之與之盟勝怒曰鄭人在此讎不

遠矣

比子西于鄭人

勝自厲劍子期之子平見之曰王孫何

自厲也曰勝以直聞不告汝庸為直乎將以殺爾父

平以告子西子西曰勝如卵余翼而長之

以鳥為喻

楚國

第

用士之次第

我死令尹司馬非勝而誰勝聞之曰令尹

之狂也得死乃非我子西不悛勝謂石乞曰

石乞勝之徒

王與二卿士

二卿士子西子期

皆五百人當之則可矣乞曰

不可得也

五百人不可得

曰市南有熊宜僚者若得之可以

當五百人矣乃從白公而見之與之言說告之故辭

承之以劍

按劍指其喉

不動勝曰不為利諂不為威惕不

洩人言以求媚者去之吳人伐慎

慎杜注汝陰慎縣今江南潁上縣西

北有慎城

白公敗之請以戰備獻

所得鎧杖兵器欲因獻用之以為亂

許之

遂作亂秋七月殺子西子期于朝而劫惠王子西以袂

掩面而死

慙于葉公

子期曰昔者吾以力事君不可以弗

終挾豫章以殺人而後死

以效其多力豫章大木

石乞曰焚庫

弑王不然不濟白公曰不可弑王不祥焚庫無聚將

何以守矣乞曰有楚國而治其民以敬事神可以得

祥且有聚矣何患弗從葉公在蔡

蔡遷州來楚并其地

方城之

外皆曰可以入矣子高曰吾聞之以險徼幸者其求

無饜偏重必離

險猶惡也所求無饜則不安譬如聞物偏重則離敗欲須其斃而討之

其殺齊管修也而後入

管修楚賢大夫故齊管仲之後殺賢則失民

白公

欲以子閭為王

子閭平王子啓五辭王者

子閭不可遂劫以兵子

閭曰王孫若安靖楚國匡正王室而後庇焉啟之願

也敢不聽從若將專利以傾王室不顧楚國有死不

能遂殺之而以王如高府

高府楚別府

石乞尹門

為門尹

圉

公陽穴宮負王以如昭夫人之宮

公陽楚大夫昭夫人王母越女葉

公亦至及北門或遇之曰君胡不胄國人望君如望

慈父母焉盜賊之矢若傷君是絕民望也若之何不

胄乃胄而進又遇一人曰君胡胄國人望君如望歲

焉

歲年殺也

日月以幾

冀君來

若見君面是得艾也

艾安也

民

知不死其亦夫有奮心猶將旌君以徇于國

旌表也

而

又掩面以絕民望不亦甚乎乃免胄而進

言葉公遇得民心

箴尹固帥其屬將與白公子高曰微二子者楚不國

矣

二子子西子期也栢舉之敗二子功多

棄德從賊其可保乎乃從葉

公使與國人以攻白公白公奔山而縊其徒微之

微匿

也生拘石乞而問白公之死焉對曰余知其死所而

長者使余勿言

長者謂白公也

曰不言將烹乞曰此事克則

為卿不克則烹固其所也何害乃烹石乞王孫燕奔

額黃氏

燕勝弟額黃杜注吳地在今寧國府境

沈諸梁兼二事

二事令尹司馬

國寧乃使寧為令尹

子西之子國也

使寬為司馬

子期之子

而

老于葉

傳終言之

衛侯占夢嬖人

以能占夢見愛

求酒于大叔

僖子

僖子大

不得與卜人比而告公曰君有大臣在

西南隅弗去懼害

託占卜夢而言

乃逐大叔遺遺奔晉

衛

侯謂渾良夫曰吾繼先君而不得其器若之何

國之寶器

輒皆

良夫代執火者而言曰

將密謀屏左右

疾與亡君皆君

之子也召之而擇材焉可也

召輒

若不材器可得也

輒若

不材可廢其身因得其器

豎告大子

大子疾

大子使五人輿玃從已

劫公而彊盟之

盟求必立已

且請殺良夫公曰其盟免三

死

盟在十五年

曰請三之後有罪殺之公曰諾哉

左傳

十七年春衛侯為虎幄于藉圃

于藉田之圃新造幄幕皆以虎獸為

飾

成求令名者而與之始食焉

天子請使良夫以良

為令名

良夫乘衷甸兩牡

衷甸一轅卿軍

紫衣狐裘

紫衣君服

至袒

裘不釋劍而食

食而熱故偏袒亦不敬

天子使牽以退數之以

三罪而殺之

三罪紫衣袒裘帶劍

三月越子伐吳吳子禦之

笠澤

笠澤今江南吳縣西南太湖是也

夾水而陳越子為左右句卒

句卒鉤伍相著
別為左右屯

使夜或左或右鼓譟而進吳師分以

禦之越子以三軍潛涉當吳中軍而鼓之吳師大亂

遂敗之

左右句卒為聲勢以分吳軍而三軍精卒并力擊其中軍故得勝也

晉趙鞅

使告于衛曰君之在晉也志父為主請君若大子來

以免志父不然寡君其曰志父之為也

謂已教使不來衛侯

辭以難大子又使掾之

掾訴父欲速得其處

夏六月趙鞅圍衛

齊國觀陳瓘救衛

國觀國書之子

得晉人之致師者子玉使

服而見之

釋囚服服其本服

曰國子實執齊柄而命瓘曰無

辟晉師豈敢廢命子又何辱

言不須來致師自將往戰

簡子曰我

卜伐衛未卜與齊戰乃還

畏子王

楚白公之亂陳人

恃其聚而侵楚

聚積聚也

楚既寧將取陳麥楚子問帥子

大師子穀與葉公諸梁子穀曰右領差車與左史老

皆相令尹司馬以伐陳其可使也

言此二人皆嘗輔相子西子期伐陳

今復可使

子高曰率賤民慢之懼不用命焉

右領左史皆楚賤官

穀曰觀丁父都俘也武王以為軍率是以克州蓼服

隨唐大啓羣蠻彭仲爽申俘也文王以為令尹實縣

申息朝陳蔡封畛于汝

開封畛北至汝水

唯其任也何賤之

有子高曰天命不諂

諂疑也

令尹有憾于陳

十五年子西伐吳陳

使貞子弔吳以此為恨

天若亡之其必令尹之子是與君盍舍

焉

舍右領與左史

臣懼右領與左史有二俘之賤而無其令

德也王卜之武城尹吉

武城尹子西子公孫朝

使帥師取陳麥

陳人御之敗遂圍陳秋七月己卯楚公孫朝帥師滅

陳

終鄭裨竈言五及鶉火陳卒亡

王與葉公枚卜子良以為令尹卜

不斥言所卜以令龜子良惠王弟

沈尹朱曰吉過于其志

志望也

葉公

曰王子而相國過將何為

過相將為王也

他日改卜子國而

使為令尹

子國寧也

衛侯夢于北宮見人登昆吾之觀

杜注衛有觀在于昆吾氏之虛今濮陽城中按濮陽即今直隸開州州西南有濮陽縣城城中有昆吾臺

被髮北面而譟曰登此昆吾之虛縣縣生之瓜

縣縣瓜初

生也良夫言已有以小成大之功若瓜之初生謂使衛侯得國

余為渾良夫叫天無

辜

本盟當免三死而并數一時之事為三罪殺之故自謂無辜

公親筮之胥彌赦

占之

赦衛筮史

曰不害與之邑寘之而逃奔宋

言衛侯無道卜人不

敢以實對懼難而逃也

衛侯貞卜

正卜夢之吉凶

其繇曰如魚窺尾

窺亦

也魚勞則尾赤衡流而方羊裔焉

橫流方羊不能自安裔水邊言衛侯將若此魚

大

國滅之將亡闔門塞竇乃自後踰

此皆繇辭

冬十月晉復

伐衛

春秋未得志故

入其郛將入城簡子曰止叔向有言曰

怙亂滅國者無後

不欲乘人之哀

衛人出莊公而與晉平晉

立襄公之孫般師而還十一月衛侯自鄆入般師出

辟蒯

初公登城以望見戎州

戎州杜注戎邑今山東曹縣有楚丘故城漢置

己氏縣即戎州也

問之以告公曰我姬姓也何戎之有焉翦

之削壞其邑聚

公使匠久休息不

欲遂石圃

石圃衛卿石惡從子

未

及而難作辛巳石圃因匠氏攻公公閉門而請弗許

踰于北方而隊折股終如卜言乃自後踰戎州人攻之太子疾

公子青踰從公青疾弟戎州人殺之公入于戎州已氏

已氏戎州人姓初公自城上見已氏之妻髮美使髡之以為

呂姜髡呂姜莊公夫人髡髮也既入焉而示之璧曰活我吾與

女璧已氏曰殺女璧其焉往遂殺之而取其璧衛人

復公孫般師而立之十二月齊人伐衛衛人請平立

公子起起靈執般師以歸舍諸潞潞杜注齊邑公會齊

侯盟于蒙

齊侯簡公弟平公驕也蒙杜注在東莞蒙陰縣西今山東蒙陰縣西有故城

孟

武伯相齊侯稽首公拜齊人怒武伯曰非天子寡君無

所稽首武伯問于高柴曰諸侯盟誰執牛耳

執牛耳尸盟者

季羔曰鄫衍之後吳公子姑曹

季羔高柴也鄫衍在七年

發陽之

役衛石魘

發陽鄆地在十二年石魘石曼姑之子

武伯曰然則氣也

武

伯名也鄫衍則大國執發陽則小國執據時執者無常故武伯自以為可執

宋皇瑗之

子麋

宋瑗右師

有友曰田丙而奪其兄鄭般邑以與之鄭

般愠而行告桓司馬之臣子儀克

克在下邑不與魘亂故在

子儀

克適宋告夫人曰麋將納桓氏公問諸子仲子仲皇野初

子仲將以杞姒之子非我為子為適子杞如子仲妻麋曰必立

伯也伯非我兄是良材子仲怒弗從故對曰右師則老矣

不識麋也言右師老不能為亂麋則不可知公執之執麋皇瑗奔晉召

之召令還

左傳十八年春宋殺皇瑗公聞其情復皇氏之族使皇

緩為右師言宋景公無常也巴人伐楚圍鄢鄢楚邑今

湖廣襄陽縣東北有鄢城初右司馬子國之卜也觀瞻曰如志子國

未為令尹時卜為右司馬得吉兆如故命之命以為其志觀瞻楚開卜大夫觀從之後右司馬

及已師至將卜帥王曰寧如志何卜焉寧子使帥師

而行請承承王曰寢尹工尹勤先君者也栢舉之後

以肯受戈工尹固執燧象三月楚公孫寧吳由于遂

固敗已師于鄆故封子國于析君子曰惠王知志知

其夏書曰官占唯能蔽志昆命于元龜書大禹謨官

蔽斷也昆後也言當其是之謂乎志曰聖人不煩卜

先斷意後用龜也筮惠王其有焉夏衛石圃逐其君起奔齊衛侯

輒自齊復歸遂石圃而復石甍與大叔遺皆蒯聩所逐

左傳十九年春越人侵楚以誤吳也誤吳使不為備夏楚公

子慶公孫寬追越師至冥冥杜注越地不及乃還秋楚

沈諸梁伐東夷報越三夷男女及楚師盟于敖從越之夷三種

敖杜注東夷地冬叔青如京師敬王崩故也言敬王能終其世終甚弘

言東王必大克叔青叔還子

左傳二十年春齊人來徵會夏會于廩丘為鄭故謀伐

晉十五年鄭人辭諸侯秋師還終叔向言晉公室卑吳公子

慶忌驟諫吳子曰不改必亡弗聽出居于艾

艾杜注吳邑豫

章有艾縣今艾城在江西寧州西

遂適楚聞越將伐吳冬請歸平越

遂歸欲除不忠者以說于越吳人殺之 十一月越

圍吳趙孟降于喪食

趙孟襄子無恤時有父簡子之喪

楚隆曰

楚隆襄子

家三年之喪親暱之極也主又降之無乃有故乎趙

孟曰黃池之役先主與吳王有質

黃池在十三年先主簡子質盟信也

曰好惡同之今越圍吳嗣子不廢舊業而敵之

嗣子襄子

自謂欲敵越救吳

非晉之所能及也吾是以為降楚隆曰若

使吳王知之若何趙孟曰可乎隆曰請嘗之乃徃先
造于越軍曰吳犯閒上國多矣聞君親討焉諸夏之
人莫不欣喜唯恐君之志不從請入視之許之告于
吳王曰寡君之老無恤使陪臣隆敢展謝其不共黃
池之後君之先臣志父得承齊盟曰好惡同之今君
在難無恤不敢憚勞非晉國之所能及也使陪臣敢
展布之王拜稽首曰寡人不佞不能事越以為大
夫憂拜命之辱與之一簞珠簞小筭使問趙孟曰句踐

將生憂寡人寡人死之不得矣王曰溺人必笑吾將

有問也

以自喻所問不急猶溺人不知所為而反笑

史黯何以得為君子

史黯晉大夫蔡墨云不及四十年吳當亡吳王感問此也

對曰黯也進不見惡退

無謗言王曰宜哉

左二十一年夏五月越人始來

越既勝吳欲霸中國始遣使適魯

秋八月公及齊侯邾子盟于顧

顧杜注齊地今山東范縣東南有顧城

齊人責稽首

責十七年齊侯為公稽首不見答

因歌之曰魯人之皋

數年不覺使我高蹈

皋緩也高蹈猶遠行也言魯人皋緩數年不知答齊稽首故使

我高蹈來

為此會

唯其儒書以為二國憂

二國齊邾也言魯據周禮不肯答稽

首令齊

邾遠至是行也公先至于陽穀

先期至

齊問丘息曰

息問

丘明

君辱舉玉趾以在寡君之軍羣臣將傳遽以告

寡君比其復也君無乃勤為僕人之未次

次舍也

請除

館于舟道

舟道杜注齊地

辭曰敢勤僕人

左

傳二十二年夏四月邾隱公自齊奔越曰吳為無道

執父立子越人歸之太子苒奔越

邾隱公八年為吳所囚十年奔齊

冬十一月丁卯越滅吳請使吳王居甬東

甬東杜注越地

會稽句章縣東海中洲也按海中洲即舟
山今之定海縣縣東有翁山即甬東也 辭曰孤老

矣焉能事君乃縊越人以歸

以其尸歸終史墨子胥之言也

左傳二十三年春宋景曹卒

景曹宋元公夫人小季康邾女季桓子外祖母

子使冉有弔且送葬曰敝邑有社稷之事使肥與有

職競焉

肥康子名競遽也

是以不得助執紼使求從輿人

冉求

有名與衆也

曰以肥之得備彌甥也

彌遠也康子父之舅氏故稱彌甥 有

不腆先人之產馬使求薦諸夫人之宰其可以稱旌

繁乎

稱舉也繁馬飾繁纓也終樂祁之言政在季氏

夏六月晉荀瑤伐齊

荀瑶荀躒之孫知伯襄子高無平帥師御之知伯視齊師馬駭遂

驅之曰齊人知余旗其謂余畏而反也及壘而還將

戰長武子請卜

武子晉大夫

知伯曰君告于天子而卜之

以守龜于宗祧吉矣吾又何卜焉且齊人取我英丘

英丘晉地

君命瑶非敢耀武也治英丘也以辭伐罪足矣

何必卜壬辰戰于犁丘

犁丘杜注隰也今山東臨邑縣有犁丘亭

齊師敗

績知伯親禽顏庚

顏庚齊大夫顏涿聚

秋八月叔青如越始

使越也越諸鞅來聘報叔青也

左傳二十四年夏四月晉侯將伐齊使來乞師曰昔臧

文仲以楚師伐齊取穀

在僖二十六年

宣叔以晉師伐齊取

汶陽

在成二年

寡君欲徼福于周公願乞靈于臧氏

以臧氏世

勝齊故

臧石帥師會之取廩丘

臧石賓如之子

軍吏令繕將進

晉軍吏也

繕治戰備萊章曰

萊章齊大夫

君卑政暴往歲克敵

禽顏庚

今又勝都

取廩丘

天奉多矣又焉能進是僿言也

僿過也

役將班矣晉師乃還餽臧石牛

生曰餽

大史謝之曰

晉大

史以寡君之在行牢禮不度

不如禮度

敢展謝之

終臧氏有後于

魯

邾子又無道越人執之以歸

終子贛之言

而立公子

何何亦無道

何大子草弟

公子荆之母嬖

荆哀公庶子

將以

為夫人使宗人鬻夏獻其禮

宗人禮官

對曰無之公怒曰

女為宗司立夫人國之大禮也何故無之對曰周公

及武公娶于薛

武公教也

孝惠娶于商

孝公稱惠公弗皇商宋也

自桓

以下娶于齊

桓公始娶文姜

此禮也則有若以妾為夫人則

固無其禮也公卒立之而以荆為大子國人始惡之

惡

閏月公如越得大子適郢

適郢越王太子得相親說也

將妻

公而多與之地公孫有山使告于季孫季孫懼使因

大宰嚭而納賂焉乃止

嚭故吳臣也季孫恐公因越討已故懼

左傳

二十五年夏五月庚辰衛侯出奔宋

衛侯輒也

衛侯為

靈臺于藉圃與諸大夫飲酒焉褚師聲子斃而登席

古者見君解戰

公怒辭曰臣有疾異于人

足有創

若見之君將

斃之

斃嘔吐也

是以不敢公愈怒大夫辭之不可

共辭謝公公不

可褚師出公戟其手

手屈肘如戟形

曰必斷而足聞之褚師

與司寇亥乘曰今日幸而後亡

恐死以得亡為幸

公之入也

奪南氏邑

南氏子南之子公孫彌年

而奪司寇亥政公使侍人納

公文懿子之車于池

懿子公文要公有忿使人投其車于池水中

初衛人

翦夏丁氏

在十一年

以其帑賜彭封彌子

彭封彌子彌子瑕

彌子

飲公酒納夏戊之女嬖以為夫人其弟期大叔疾之

從孫甥也

期夏戊之子姊妹之孫為從孫甥與孫同列

少畜于公以為司

徒夫人寵衰期得罪公使三匠久公使優狻盟拳彌

狻狻優名拳彌衛大夫使狻優盟之欲耻辱也

而甚近信之故褚師比公孫

彌牟公文要司寇亥司徒期因三匠與拳彌以作亂

比戰登席者彌牟喪邑者要皆執利兵無者執斤工

失車者亥奪政者期得罪者匠所使拳彌入于公宮信近之而自太子疾之宮譟

以攻公郵子士請禦之郵子士彌援其手曰子則勇

矣將若君何不見先君乎君何所不逞欲先君蒯聵也亂不速

奔故為戎且君嘗在外矣豈必不反當今不可衆怒

難犯休而易閒也乃出將適蒲蒲杜注近晉邑今直隸長垣縣故蒲城是

彌曰晉無信不可將適郵郵杜注齊晉界上邑彌詐不知謀故公信之彌

曰齊晉爭我不可將適泠泠杜注近魯邑彌曰魯不足與請

適城鉏以鉤越

城鉏杜注近宋邑宋南近越轉相鉤牽

越有君乃適城

鉏彌曰衛盜不可知也

請速自我始乃載寶以歸欺

君言君以寶自隨將致衛盜請速行已為先發而因載寶歸衛也

公為支離之卒

支離

陳名因祝史揮以侵衛

揮衛祝史衛人病之懿子知之為內

間見子之

子之公孫彌牟文子也

請逐揮文子曰無罪懿子曰

彼好專利而妄夫見君之入也將先道焉

若見君有入勢必道

助之若逐之必出于南門而適君所

雖知其為君間不審察私共評之

夫越新得諸侯將必請師焉揮在朝使吏遣諸其室

難面逐之

揮出信弗內

再宿為信

五日乃館諸外里

外里公所

在遂有寵使如越請師

請師伐衛求入

六月公至自越

前年

行今

季康子孟武伯逆于五梧

五梧杜注魯南鄙

郭重僕

為公

僕

見二子曰惡言多矣君請盡之

二子不臣之言甚多欲使公盡聽之

公宴于五梧武伯為祝

祝上壽酒

惡郭重曰何肥也

訾毀其貌

季孫曰請飲彘也以魯國之密邇仇讎臣是以不獲

從君克免于大行又謂重也肥公曰是食言多矣能

無肥乎

以請三桓之數食言

飲酒不樂公與大夫始有惡

為二十七

年公孫
邾起

左傳二十六年夏五月叔孫舒帥師會越皋如后庸宋

樂蔑納衛侯

舒武叔之子文子也皋如后庸越大夫樂蔑宋司城子路衛侯輒也

文子

欲納之

文子彌牟

懿子曰君愼而虐少待之必毒于民乃

睦于子矣衛師侵外州大獲

越納輒之師

出禦之大敗

衛師

敗

掘褚師定子之墓焚之于平莊之上

定子褚師比之父也平莊

陵名文子使王孫齊私于皋如曰

齊衛大夫王孫賈之子昭子也

子將

大滅衛乎抑納君而已乎皋如曰寡君之命無他納

衛君而已文子致衆而問焉曰君以蠻夷伐國國幾

亡矣請納之衆曰勿納曰彌牟亡而有益請自北門

出欲以觀衆衆曰勿出重賂越人申開守陴而納公申

也開重門而嚴設守備公不敢入師還立悼公悼公

庶弟公南氏相之以城鉏與越人公曰期則為此子子黜也

期也令苟有怨于夫人者報之夫人期姊也怒期不得

也司徒期聘于越為悼公聘公攻而奪之幣期告王越王

命取之期以衆取之公怒殺期之甥之為大子者期

而及其姊為夫人者遂卒于越終言之也終效夷言死于夷宋

景公無子取公孫周之子得與啓畜諸公宮周元公孫子高

也得昭公也啓得弟未有立焉于是皇緩為右師皇非我為大

司馬皇懷為司徒皇懷非我從昆弟靈不緩為左師不緩子靈園龜

之後樂蒧為司城蒧樂樂朱鉏為大司寇朱鉏樂六卿

三族降聽政三族皇靈樂也降和同也因大尹以達大尹近官有寵者六卿因

之以自通達于君大尹常不告而以其欲稱君命以令國人

惡之司城欲去大尹左師曰縱之使盈其罪重而無

基能無敝乎

言勢重而無德以為基必敗

冬十月公遊于空澤

澤

杜注宋邑在今河南虞城縣東

辛巳卒于連中

連中館名

大尹興空澤之

士千甲

甲士千人

奉公自空桐入如沃宮

奉公尸也空桐杜注梁國虞縣

東南有地名空桐今虞城縣空桐澤有空桐亭沃宮宋都內宮名

使召六子曰聞下

有師君請六子畫

畫計策

六子至以甲劫之曰君有疾

病請二三子盟乃盟于少寢之庭曰無為公室不利

大尹立啓奉喪殯于大宮三日而後國人知之司城

蔑使宣言于國曰大尹惑蠱其君而專其利今君無

疾而死死又匿之是無他矣大尹之罪也

言大尹所裁

得

夢啓北首而寢于廬門之外

廬門宋東門北首死象在門外失國也

已

為烏而集于其上味加于南門尾加于桐門

桐門北門

曰

余夢美必立大尹謀曰我不在盟

少寢盟但以君命盟六卿大尹不盟

無乃遂我復盟之乎使祝為載書六子在唐孟

唐孟杜注

地將盟之祝裏以載書告皇非我

裏祝名

皇非我因子

潞門尹得左師謀曰

子潞樂茂門尹得樂得

民與我逐之乎皆

歸授甲使徇于國曰大尹惑蠱其君以陵虐公室與

我者救君者也衆曰與之大尹徇曰戴氏皇氏將不

利公室

戴氏即樂氏

與我者無憂不富衆曰無別

惡其號令與君

無別

戴氏皇氏欲伐公

公謂樂得曰

不可彼以陵公有

罪我伐公則甚焉使國人施于大尹

施罪于大尹

大尹奉

啓以奔楚乃立得司城為上卿盟曰三族共政無相

害也衛出公自城鉏使以弓問子贛且曰吾其入

乎子贛稽首受弓對曰臣不識也私于使者曰昔成

公孫于陳

僖二十八年衛成公奔楚遂適陳

甯武子孫莊子為宛濮

之盟而君入

在僖二十八年

獻公孫于齊

在襄十四年

子鮮子展

為夷儀之盟而君入

在襄二十六年

今君再在孫矣

謂十五年孫魯

今又內不聞獻之親外不聞成之卿則賜不識所由

入也詩曰無競惟人四方其順之

詩周頌言無強惟得人也

若得

其人四方以為主而國于何有

左傳二十七年春越子使后庸來聘且言邾田封于貽

上

欲使魯還邾田封竟至貽上

二月盟于平陽

平陽杜注西平陽孔氏穎達曰高平

南有平陽縣在今山東鄒縣西南

三子皆從

季康子叔孫文子孟武伯皆從后庸盟

康

子病之言及子贛曰若在此吾不及此夫

蓋子贛十二年嘗辭

吳盟故思之

武伯曰然何不召曰固將召之文子曰他日

請念

言季孫不能用子貢臨難而思之

夏四月己亥季康子卒公

弔焉降禮

禮不備

晉荀瑶帥師伐鄭次于桐丘鄭駟

弘請救于齊

弘駟歛子

齊師將興陳成子屬孤子三日朝

屬會死事者之子使朝三日以禮之

設乘車兩馬繫五邑焉

乘車兩馬大夫服又

加之以五邑

召顏涿聚之子晉曰隰之役而父死焉

隰役在二

十三

以國之多難未女恤也今君命女以是邑也服

車而朝無廢前勞乃救鄭及畱舒

畱舒杜注齊地今山東東阿縣西南

有畱舒城

違穀七里穀人不知言其整

及濮雨不涉濮杜注水

自陳畱酸棗縣傍河東北經濟陰至高平入濟

子思曰

子思國參

大國在敝邑之

宇下是以告急今師不行恐無及也成子衣製杖戈

製雨衣也

立于阪上馬不出者助之鞭之知伯聞之乃還

畏其得衆心

曰我卜伐鄭不卜敵齊使謂成子曰大夫陳

子陳之自出陳之不祀鄭之罪也

十七年楚滅陳非鄭之罪蓋知伯誣

辭

故寡君使瑤察陳衷焉

衷善也

謂大夫其恤陳乎若

利本之顛瑤何有焉成子怒曰多陵人者皆不在知

伯其能久乎中行文子告成子曰

文子荀寅此時奔在齊

有自

晉師告寅者將為輕車千乘以厭齊師之門則可盡

也成子曰寡君命恒曰無及寡無畏衆雖過千乘敢

辟之乎將以子之命告寡君

成子疑其有為晉之心也

文子曰吾

乃今知所以亡

自恨己無知

君子之謀也始衷終皆舉之

而後入焉

謀一事則當慮此三變然後入而行之所謂君子三思

今我三不知

而入之不亦難乎

公患三桓之侈也欲以諸侯去

之欲求諸侯師以逐三桓

三桓亦患公之妄也故君臣多間公

游于陵阪遇孟武伯于孟氏之衢曰請有問于子余

及死乎

問可得以壽死否

對曰臣無由知之三問卒辭不對

公欲以越伐魯而去三桓秋八月甲戌公如公孫有

陘氏

有陘氏即有山氏

因孫于邾乃遂如越國人施公孫有

山氏

以公自其家出故也終子贛之言君不沒于魯

悼之四年晉荀瑶帥

師圍鄭

悼公哀公之子哀公出孫魯人立之

未至鄭駟弘曰知伯愎而

好勝早下之則可行也乃先保南里以待之

保守也南里在

城知伯入南里門于桔株之門鄭人俘鄫魁壘鄫魁壘晉

士賂之以知政欲使反為鄭閉其口而死將門將攻鄭門知伯

謂趙孟之對曰主在此主謂知伯言何不自主入也知伯曰惡而

無勇何以為子惡貌醜也簡子廢嫡子伯魯而立襄子故知伯言其醜且無勇何以立為

對曰以能忍耻庶無害趙宗乎知伯不悛趙襄子

由是甚知伯甚毒也遂喪之知伯貪而悛故韓魏反而

喪之史記晉懿公之四年魯悼公之十四年知伯帥韓魏圍趙襄子于晉陽韓魏反與趙氏謀殺知

伯于晉陽之下在春秋後二十七年

日講春秋解義卷六十四